

إسراء جاد

طب
بالمكسرات



طب بالمكسرات

أسيرين الأطفال

إسراء جاد

طالبة بكلية الطب

جميع الحقوق محفوظة © عصير الكتب للنشر
الإلكتروني

<http://book-juice.com>

كتاب

طب بالمكسرات

المؤلفة : إسراء جاد

نشر في : مارس ٢٠١٧

تصميم غلاف : محمد إبراهيم

تصحيح : سلمى أشرف

تنسيق داخلي : عصير الكتب للنشر الإلكتروني



إهداء

إلى كل من علمني حرفا في كلية الطب من أساتذة و أصدقاء فشكرا
لهم على جميلهم الذي لن أنساه
ومن قبلهم إهداء إلى أمي وأبي فلولاهم ما تعلمت شيئا

تنوية

هذا الكتاب تمت مراجعته من قبل أحد أطباء الطوارئ ولكن اي خطأ بالطبع هو وارد جدا فلذا أرجو من اي شخص يعثر علي خطأ طبي يخبرني به فكما يقولون قد يقتلوك خطأ مطبعي في كتاب طبي ثانيا : معظم الأعراض الجانبية التي تم ذكرها هي صعبة الحدوث ولكنها ليست مستحيلة ولكن عندما تحدث فهي خطيرة وقد تؤدي للوفاة لذا وجوب التنبيه عليها وأخذ الحيوطة والحذر

مقدمة

هذا الكتاب يحتوي على بعض المقالات الطبية معظمها عن الاستخدام السئ للأدوية في العالم العربي وفي مصر علي وجه التحديد ، المقالات إن جاز قول ذلك عليها تم كتابتها بصورة فكاهية وبلغة عامية والغرض من ذلك هو إيصال المعلومة الطبية وكأنك تتناول بعض من المكسرات ، فلا اظن أن الكثير يطيق أن يقرأ كتابا طبيا عن الأدوية مكتوب بصورة علمية بحته الا اذا كان شغوفا بذلك ، وبما أن المعظم غير شغوف بالطب ولا أهمية هذه المعلومات من وجها نظري البسيطة تم تقديم المعلومة بهذه الطريقة لتصل لأكبر شريحة ممكنته

كثير منا بيستخدم أسبرين للأطفال، بس المفاجأة بقى إن
ممنوع استخدامه للأطفال!

سمعاك يا اللي بتقول إني بفتى وبهري وإنني بدأت الكتاب بكلام
مغلوط، طب ممكن تروح تجيب علبة أسبرين للأطفال وتشوف
مكتوب على ضهرها إيه؟ هتلacci بخط أحمر واضح (ممنوع استخدامه
للأطفال تحت سن ١٢ سنة) شوفت بقى إني باتكلم عن علم!

طب ليه بقى اسمه أسبرين أطفال؟؟

في أوروبا والدول المتقدمة (مش إحنا طبعاً) قالوا عازين نعمل أسبرين
بجرعة أقل بحيث يستخدمه مريض الجلطة علشان يعمل سيولة في
الدم مش كمس肯 خالص، فعملوا أقراص نص جرعة الأسبرين العادية
وسّموا الجرعة **infantile**.

يعنى إيه ؟؟ **infantile** يعني طفل.

مش المقصود بيها هنا إنه للأطفال لا، المقصود إن الجرعة صغيرة
جرعة طفلة بالنسبة للكبيرة يعني، عالم فاضية يابا! ما يقولوا صغيرة
ويخلصونا.

الموضوع موقفش عند كده هم شعوب متحضره وفاهمة الدنيا زينا
بالظبط فيأخذوا أيدوا بأمر الدكتور بس غير كده لا، إحنا بقى في داخل

كل واحد مننا طبيب لما بيقى جواه تعب بيطلع، يا عم عك وربنا هايفك.

جت شركة مصرية أخذت إذن التصنيع فترجمة اسم الدوا ترجمة حرفية وبقى اسمه أسبرين أطفال، الموضوع موقفش عند كده جم يصمموا شكل العلبة الشركة حبت تصرف بقى قامت جابت مصمم تصميلي وقالت له إعمل لنا علبة دوا لدواء اسمه كذا، طبعاً هو ميرعش الليلة كل اللي يعرفه إن اسمه أسبرين أطفال، قام رسم علبة دوا عليها عيال (إضرب كمان عاوز أتوب).

وتيجي الشركة بعد كله وتكتب جوه ممنوع استخدامه للأطفال تحت سن ١٢ سنة! نفسى أشتمن بس ده كتاب محترم بس هاشتم بردده في سري.

طب انتي واجعه دماغنا ليبيه؟؟ ما الأطفال بياخدوه وزي الفل!

طب نصحح مع بعض كده، في حالة اسمها متلازمة راي rhye syndrome لا بالله عليكيات كلامي عربي أنا ثقافي ألماني، بص يا سيدى ده مرض بيحصل للأطفال تحت سن اتنانشر سنة لما تعالج ارتفاع في الحرارة سببه عدوى فيروسية بالأسبرين، بيعمل ايه بقى؟ بتعمل فشل كلوي وكبدى ودمى خلايا المخ والطفل يموت، والسبب

في إن الأسبرين يعمل كده غير معروف، كل اللي معروف إنها بتحصل
بنسبة ١٠٠٠ : ١

اللي بيقول إنها نسبة ضعيفة هي فعلاً نسبة ضعيفة جداً بس أرواح
أولادنا مش لعبة وحتى لو وصلت النسبة لواحد في المليون، وبعدين ما
انت عندك بديل؛ اللي هو باراستامول نفس الكفاءة بل أفضل وملوش
الضرر ده.

"بلاش نعك لأن مش كل مرة ربنا هايفك" !

المضادات الحيوية

في كل العالم يا مؤمن المضاد الحيوي يستخدم لقتل البكتيريا، إلا في مصر يستخدم لقتل البكتيريا والفيروسات وللصداع ورد المطلقة وجلب الحبيب ولا الشيحة خديجة المغربية!

هلاقى واحد بيقولّي أنا بيقى عندي دور برد وآخذ المضاد الحيوي في خلال تلت أربع أيام ببقى زي الفل، بيقى إزاي المضاد الحيوي مبيعالجش البرد؟ تعالى هنا مش هاضربك أنا هاعرفك غلطك بس.

كان فيه دكتور عندنا ربنا يمسيه بالخير بيقول لما بتاخذ المضاد الحيوي في دور البرد الفيروس بيموت بس بيموت من الضحك! المضاد الحيوي ملوش أي تأثير خالص في قتل الفيروسات، لكن أي فيروس بيأخذ دورة حياته كاملة ويموت بعدها غالباً من أسبوع لأسبوعين على حسب نوع الفيروس اللي سبب لك برد.

طب إيه المشكلة لما يجيلى برد أو أنفلونزا وآخذ مضاد حيوي؟ ما هو مضرنيش!

الضرر كبير جداً والمشكلة كبيرة جداً جداً جداً كمان مرة، أولاً ده بيأثر عليك كفرد وكالعالم كله.

على العالم كله؟؟ نبطل أفورة الدكاترة دي! عالم بتحباليزية!

طب إسمع مني بس، أولاً المشكلة عليك انت، انت عندك بكتيريا
نافعه في جسمك بتساعدك في الهضم وبتديك مناعة، المضاد
الحيوي بيقتلها بتفقلل مناعتك وبتدي فرصة للفطريات إنها تنمو.

طب عادي هآخد مضاد للفطريات والأمر هيعدي.

مضادات الفطريات أصلًا أعراضها الجانبية خطيرة، فليه أعرض نفسي
للخطر لما ممكن أمنعه؟ أما بالنسبة للمشكلة على العالم كله؛ تعرف
إيه هي أخطر حرب في العالم؟؟

اه الحرب مع الصهاينة.

لا طبعاً، أخطر حرب هي الحرب البيولوجية! الحرب ضد البكتيريا
والفيروسات دي أخطر حرب في العالم، واللي يقول الصهاينة عاملين
معامل علشان يجندوا المخلوقات دي ليهم، مش قصتنا بس انت مش
متخيل مدى قوة البكتيريا.

زمان الالتهاب الرئوي لما كان بيجي لحد كنت بتبدأ في حفر قبره،
دلوقيتيقى مرض عادي وبسيط بسبب المضاد الحيوي، طب تخيل بقى
لما المضاد الحيوي يبقى ضعيف قدام البكتيريا دي!!
هانموتكلناااانيابهاهاها.

طب إزاي البكتيريا تبقى أقوى من المضاد الحيوي؟

زي أي واحد مصري أصيل مبتكملش كورس العلاج، وأول ما تتحسن
هوب توقف المضاد الحيوي سواء موصوف لعلاج بكتيريا فعلاً أو لا،
لإن جسمك في العادي جواه بكتيريا معدية اه مش عماللك مشاكل
بس ممكن في يوم من الأيام تستوحش أو انت مناعتك تقل فهلي تبقى
أقوى منك وكمان أخذت مناعة ضد المضاد الحيوي، يا حلاوة!


طب إزاي بردہ بتاخد مناعة؟ لما بتاخد المضاد الحيوي يوم تكميلش الكورس بيبقى لسه فيه بعض البكتيريا لم تتم ولكن اتعرفت على المضاد الحيوي وقدرت تكون قصاده انزيمات تكسره، فيتكرر الدور تاني بتاخد المضاد الحيوي ميجبش نتيجة، فالدكتور يكتب لك مضاد حيوي أقوى تقوم انت زي الناصح بردہ متكميلش الدوا للآخر، ما هي ظايات بقى!

لو بتقرأى حاجة تاريخية هاتعرف الإنجاز اللي حصل لما اكتشفوا البنسيلين، لأنه تقريباً كان بيقضي على معظم البكتيريا واحدة واحدة، ومع الاستخدام الخاطئ للمضاد الحيوي البنسيلين مبقاش له تأثير قوي على البكتيريا، فالعلماء عملوا نوع آخر من المضادات الحيوية، مع غياب التوعية والاستخدام الخاطئ للبكتيريا أخذت مناعة برد وهاكذا. حالياً فيه مضاد حيوي وحيد لسه البكتيريا مأخذتش منه

مناعة وبيتُخدم للحالات الطارئة بس، لأن لو أخذت منه مناعة يبقى
عليه العوض ومنه العوض وربنا يستر، لأن حتى الآن مفيش مضاد
حيوي طلع أقوى منه.

فالموضوع مخيف ويشعر، بلاش نعك في الأدوية لأن العك نهايته
وحشة بشكل مرير، هايرجع العالم لعصور الظلام المخيفة حيث السل
والالتهاب الرئوي وغيرها.

المسَّكَنَات



كثير بيادوم على المسكنات زي الأسبرين والبروفين وغيرهم، وزي أي مصرى أصل بناخد من غير ما نسأل الصيدلى أو الدكتور عن أقصى مده آخد فيها المسكن ده، وهل ينفع آخد مسكن ولا لا؟

طب إيه المشكلة إنآخد مسكنات كتير؟ مش هاينفع أوقف المسكنات مهما حصل، أصل أنا بشتغل كتير وعندي ألم مستمر في الضهر، أو أنا دائمًا عندي صداع ومش برتاح إلا لما آخذ مسكن، وكل واحد بيطلع بحجة إنه ياخذ مسكن بدل ما يدور على سبب الألم ويعالجه!

اللي بيقول ما بطلي رغي وعرفينا عاوزة إيه وبلاش وجع دماغ أنا مصدع أصلًا ولما تخلصي هارو حآخد مسكن، فندخل في الموضوع على طول.

لما بتاخذ مسكن كلنا عارفين إننا بنبقى معرضين لقرحة في المعدة لأن معظمنا لما بياخد مسكن بيقى NSAID.

ده صحيح بس مش ده اللي عاوزة أتكلم عنه، أو مالجایة أتكلم عن إيه؟ جایة أتكلم عن الفشل الكلوى، اه والله المسكنات ممكن تعمل فشل كلوي بالباراسيتامول ممكن يعمل فشل كبدي حاد، بس مش هانتكلم عنه لأنه أقل شيوعًا.

طب إيه سبب الفشل الكلوى مع NSAIDs؟

الأدوية دييتشتغل عن طريق كذا ميكانيزم لكن واحد من الميكانيزمات دي إنها تقلل تصنيع البروستاجلاندين PGs.

طب هي إيه البروستاجلاندن؟ دي مواد ليها دور في نقل الإحساس بالألم للمخ وبالتالي لما أمنع تصنيعه هايقل نقل الإحساس بالألم للمخ.

طب ما زي الفل أهو انتي ظالمة الأسبرين على فكرة!

طب اسمعني لآخر، البروستاجلاندن ليها دور تاني ألا وهو توسيع الأوعية الدموية، وبالتالي في حالة غيابها قطر الأوعية الدموية بيقل، وبالتالي بتقل كمية الدم الواصل للأعضاء زي الكلية وهي أكثر عضو بيتأثر.

طب وبعد ما الدم الواصل للكلية بيقل إيه اللي بيحصل؟ مش محتاجة ذكاء يعني الدم اللي واصل لعضو أقل هل هايشتغل بنفس الكفاءة؟ أكيد لا، فمرة معمرة يحصل الفشل الكلوي.

طب انتِ خوفتينا أوي هو أنا كده هايجهلي فشل كلوي؟
أولاً كل شيء بإيد ربنا وربنا يعافينا كلنا، بس طبعاً لازم ناخذ بالاحتياط، لو هتاخذ مسكن زي الأسبرين وممشتقاته يبقى متزودش عن عشر أيام ولازم الجرعة تبقي مطبوعة.

والأهم من ده كله إنك تعالج سبب الألم، شفت في مستشفى الكلى
تللت حالات في يومين ورا بعض جايين بفشل كلوي حاد (باذن الله
بيتم إعادة عمل الكلى مع العلاج لأنه فشل حاد) بس لما سألت على
السبب التلاتة قالوا نفس السبب: جالي ألم شديد مقدرتش أستحمل
رحت الصيدلية أخذت حقنة مسكن حقنة ورا الثانية معدتش بدخل
الحمام لما رحت المستشفى قالوا لي إني عندي فشل كلوي ولازم
أتحجز.

ومنهم حالة حصلها فشل كلوي بسبب حقنة واحدة من فولتارين، ودي
مش أول حالة يحصل لها كده مع فولتارين ومش عارفة إذا كان
اتسحب من السوق العالمي ولا لا، لأن في مصر الدواء بيقى
مخلفات مش أدوية!

عافانا الله وإياكم.

لسه هانعك؟!

الألم

وأنا صغيرة كنت بقول هو ربنا ليه خلق الألم؟؟ خلقه علشان يعذبنا يعني؟؟ كنت بتمنى في بعض الأحيان إني أفقد الإحساس بالألم بس اكتشفت إني مغفلة وإن حكمة ربنا أكبر من عقلي الصغير.

ومرت الأيام وبقيت "ضيكة" ودخلت عيادة القدم السكرية، وهنا عرفت قد إيه الإحساس بالألم نعمة.

عيادة إيه؟؟ عيادة القدم السكرية؟؟ يعني إيه؟

نعمل فلاش باك، صورة أبيض وأسود موسيقى حزينة في الخلفية، ونتكلم عن مرض السكر اللي بيعمل القدم السكرية.

حد هنا بيتفرج على إعلانات التوعية؟ كان فيه إعلان بيقول احترم السكر يحترمك! بص علشان نكون واضحين انت لو احترمت السكر هايقرص ودنك على خفيف، لو محترمتو شها يطلع عينك.

مبدأياً كده مرض السكر في مصر ألم الدنيا على سبيل المثال مصاب بيه حوالي ٢٦% من سكان مصر، طب إيه أنواع مرض السكر؟

مرض السكر نوعين: نوع بيصيب الأطفال، ونوع بيصيب الكبار فوق سن (٣٠ - ٤٠) سنة.

طب إيه السبب؟ غالباً السبب جيني لكن فيه عوامل تانية إضافية، ده اللي بيخللي مثلاً توأم متماثل واحد يجيده سكر والثاني لا، لأن

الإتنيني معرضوش لنفس العوامل، زي مثلاً واحد منهم يجيده عدوى فيروسية أو واحد منهم يشرب لبن بقري قبل سن سنة، كل ده بيزيود احتمالية الإصابة بمرض السكر، أو واحد والده ووالدته عندهم مرض السكر وهو مش راحم نفسه في الأكل.

وحتى لو كنت سليم بلاش ترهق البنكرياس بأكل السكر والدهون.

طب إيه مشكلة السكر؟؟

مشكلة السكر في مضاعفاته، السكر لما بيزيدي أوي في الجسم بيعمل مركب معين ويبدأ يتربس على جدار الأوعية الدموية فيقلل الدم الواصل للأطراف بالذات وللأعضاء كمان، وأكتر حاجة بتتأثر الكلية فيعمل فشل كلوي، وكمان يقلل الدم الواصل للقلب بسبب تصلب الشرايين اللي حصل في الشريان التاجي نتيجة ترسب مركب معين من السكر في جدار الأوعية الدموية، كل ده يؤدي إلى ذبحة صدرية، ده غير إنه بيأثر على الشبكية بتاعة العين ويقلل التغذية الوصلة ليها، علشان كده مريض السكر نظره بيضعف ولازم يتابع عند دكتور عيون كل سنة على الأقل، حتى لو نظره سليم علشان لو حصل مضاعفات يلحقها من الأول، أكمل ولا كفاية؟

نرجع للقدم السكرية اللي هي نوع من المضاعفات اللي بتحصل مع مريض السكر، مشكلة مريض السكر إن الدم الواصل للقدم قليل

وكمان الإحساس بيفقده نتيجة ترسب مركبات السكر على نهايات الأعصاب، طب إيه المشكلة بده؟

أنا وانت والكل معرضين نتخبط في قدمنا أو نتجرح وخصوصا الصباع الصغير اللي مش لاقى حد يسأل عليه وتخخص خبط في رجل السرير، أول حاجة بتعملها إنك بتتصوّت وتلم الشارع وبعدها تشوف الجرح فين وتطهره وتلفه وتسيب باقي الدور على الدم علشان يصلح الجلد.

طب تخيل بقى واحد فاقد الإحساس، هايعرف منين إنه اتجرح؟

طب والدم اللي واصل قليل، فإيه هيساعد الجرح إنه يلم؟

شوفت حالة في حفرة في رجلها بسأله إيه اللي حصل؟ قالي بالنص "كنت ماشي في الشارع ودخل مسمار في رجلي محستش بيء غير لما جيت أقلع الجزمة لاقت المسمار لازق رجلي بالجمة".

انت متخييل!! إحمد ربنا على نعمة الإحساس بالألم.

طب واحد عنده سكر المفروض يعمل إيه علشان ميوصلش لده؟

أولاً يضبط السكر وكمان مرة يضبط السكر وعلشان خاطري كمان مرة يضبط السكر، بعدها يلبس في البيت على الأقل شبشب وفي الشارع جزمة مش شبشب، وكمان لازم يفحص رجله يومياً قبل ما ينام ويشفوف

هل فيه جرح أو قرحة أو كالو callus، فحص رجله مش هيأخذ دقيقة، وطبعاً يتبع عند دكتور بانتظام.

لازم تعرف مريض السكر إيه مضاعفات المرض علشان ميستهونش بييه، وتعرفه إن الأمر ممكن يوصل لغرغرينة وبتر في القدم، وممكن انفال ف الشبكية، خوف المريض علشان يلتزم بالدواء بس متربعوش، لأن للأسف المريض العربي والمصري خصوصاً لو مش حاسس بألم بيطنش العلاج والسكر مش مؤلم بالعكس ده بيفقدك إحساسك بالألم.

وأخيراً قول لأي مريض سكر خلي بالك من رجلك زي عنيك.

نقط الأنف

بما إن الشتا دخل وكما قال الشاعر "الشتا مش محتاج حضن الشتا
محتاج لحاف وعلبيتين بنادول وسحلب"

الشتا بيجيومعاه عياله متمثلين في دور برد زي الفل، فالمصري الأصيل
بيروحياخد مضاد حيوي (مع إنه قرا موضوع المضادات الحيوية بس
تقول إيه جبلة) ومعاه نقط للأنف.

موضوعنا ده عن النقط للأنف، طب إيه المشكلة؟

نقاط الأنف غالباً بيبقى ليها مفعول سحري ومذهل ولا الشيخة خديجة
المغربية، فالشخص بيبقى مش قادر يتنفس يحط النقط من هنا يلاقي
الدنيا سلكت معاه والشهيق والزفير زي الفل.

شوية ومناخيره تتسدتاني وقد يكون أعنف من الأول فيزود النقط
ومناخيره ترجع زي الفل وهكذا..

طب ليه الزكام بيرجع أسوأ من الأول؟

السبب إن نقاط الأنف بتشتغل إنها تعمل انقباض للأوعية الدموية
فتقلل خروج المواد اللي يتتساعد على تكوين المخاط وزيادة الرشح
وبكده الرشح يقل.

فيه قاعدة بتقول إن لما يحصل انقباض للأوعية الدموية
بتتراكم **metabolites** وهي العوادم الخارجة من حرق الغذاء

للحصول على الطاقة، المواد دي بيبقى ليها أثر معاكس على الأوعية الدموية بإنها توسعها، ساعتها بيزيده رشح المواد اللي بتزود الاحتقان فالاحتقان بيزيده، فانت تلحق نفسك بجرعة زيادة وتفضل كده أيام وأسابيع وفيه ناس بتستمر شهور. أعرف شخص مبيقدرش يمشي من غير نقط الأنف من سنين لأن خلاص كل ما بيسيبها يزيد الاحتقان فيحط نقط لغاية لما دخل فيدایرة مغلقة.

طب إيه المشكلة؟

بعيداً عن إن النقط دي مضره لمرضى الضغط لأنها ممكن تُمتص وتوصل للدم وتعمل على زيادة ارتفاع الضغط لأنها هاضيق الأوعية الدموية اللي في الجسم، فهي كمان ليها أثر local انت دلوقتي عامل انقباض للأوعية الدموية لمدة أسبوعين وشهور ساعتها التغذية اللي واصلة للأنف بتقل وبالتالي يبدأ النسيج المحيط للأنف يموت ويتعفن، فتبقى رحة الشخص ده بشعة بسبب مناخيره بس المشكلة مش كده وبس المشكلة إنه مش حاسس إنه مش شامم لأن حاسة الشم عنده انعدمت بسبب موت النهايات العصبية مع موت النسيج الطلائي، فهتلaci الناس كلها بتهرب تقرب له وهو مش عارف السبب وبيشتكي إنه مش قادر يشم ولا قادر يتنفس كويس وخصوصاً من غير النقط.

طب الموضوع ده بيتعالج؟ للأسف لو الخلايا العصبية ماتت
مبترجعش.

أحري كدكتور أحاول أضبط الدنيا لكن مستحيل أرجعها زي ما كانت،
يعنى هدى العيّان غسول لأنف و حاجات تموت الفطريات اللي نمت
جّوه الأنف و شوية حاجات ممكن تخلّي النسيج المبطّن لأنف يتكون
لكن النسيج العصبي مستحيل يتكون تاني.

مرض الاسقربوط (scurvy)

الاسم العجيب ده نفسيأعرف معناه والله فاللي يعرف معنى اسقربوط
يقولي يكسب فيّا ثواب، بس معنى scurvey يعني الحشالة!

أيوه الحشالة؛ لأن اللي كان بيصاب بيهم الحشالة (والله هم اللي قالوا
كده مش أنا)، طب ليه اتسمى بالاسم ده وإيه حكايته؟

كان يا مكان في قديم الزمان أيام الحرب العالمية الثانية كان الجيش
الإنجليزي عدد الوفيات فيه كثير وخصوصاً في البحارة، بينما البحارة
الألمان كانوا بصحة كويستة، فقاموا جابوا طبيب إنجليزي وقالوا له
إعرف لنا إيه السبب هل دي لعنة ولا إيه بالضبط؟ واسمعنى جنودنا؟
والجنود الألمان لا؟

الطبيب ده فضل يدعس في الموضوع لقى إن الجنود في الحالتين
ليهم نفس البنية تقريباً وعايشين في نفس الظروف، بس الاختلاف
الوحيد هي طبيعة الأكل في كل من الطرفين؛ الإنجلizer معروف عنهم
إنهم بيتنعدوا ويتغشوا ويفطروا لحمة، لكن الألمان بيأكلوا خضار
وفاكهة كثير. فالطبيب ده قال يبقى المرض ده بيجيعلشان جنودنا
أكلهم للفاكهة والخضار يكاد يكون منعدم، وفعلاً بدأوا يأكلوا فاكهة
وبدأت الأمور تضبط والوفيات تقل.

ومات الطبيب ده وبعده بسنين جه علماء اكتشفوا إن الخضار
والفاكهة فيها فيتامين اسمه فيتامين سي، ونقصه كان يسبب موت

الجنود في الحرب العالمية الثانية. طب السؤال هنا: إيه الأعراض اللي كانت بتظهر عليهم وليه؟!

الجنود دول في الأول اللثة عندهم بتبدأ تنزف بشدة وبعدها يجي لهم أنيميا وبعد كده وجع في كل العضلات وضعف في العضلات دي، وفي الآخر يموتو. طب إيه السبب؟

فيتامين سي يا سيدى (حلو السجع ده) مهم جداً علشان تكوين جدار الأوعية الدموية لإنه يدخل في تكوين بروتين اسمه collagen اللي يدخل في تكوين جدار الأوعية الدموية، وكمان مهم علشان تكوين كريات الدم الحمراء، إزاي؟ فيتامين سي ليه دور كبير في امتصاص الحديد اللي مسؤول عن تكوين الهيموجلوبين مع بروتين اسمه جلوبين.

فلما بيقل فيتامين سي في الجسم جدار الأوعية الدموية بيضعف بالإضافة إن تكوين كريات الدم الحمراء بيقل و ساعتها جدران الأوعية الدموية بتفرق لأنها ضعيفة، وكمان كريات الدم الحمراء مش قادرة توصل الأكسجين للخلايا فتبدأ الخلايا يحصل لها ischemia، أو بمعنى آخر تختنق بس على مستوى الخلايا مش على مستوى الرئة، طب وبعدين؟! عضو مش جاي له تغذية من أي نوع ولا جاي له أكسجين لأن مفيش دم واصل له اللي يحمل الغذاء والأكسجين، إيه

الليهارحصل في العضو ده؟ هايبدأ يضمّر ويتحلل ويحصل الألم
والإنسان يموت تدريجياً!

طب إزاي نمنع نفسنا إن ده يحصل لنا؟ أولاً لازم نأكل فاكهة وخضار بصورة معقولة، وممكن ناخذ أقراص فيتامين سي وياريت لو تحت إشراف طبي، ميزة فيتامين سيانه بيدوب في المية وبينزل في البول فصعب يحصل تسمم بيـه بـس مـمـكـن يـعـمـل حـصـوـات لو أـخـدـته بـكمـيـات كـبـيرـة أوـي ولـمـدة طـوـيـلة.

طيب فيتامين سي ده موجود فيـن؟ موجود فيـن؟ موجود فيـن؟
in citrus fruits and some vegetables
الخضروات زي السبانخ، القرنبيط، الجرجير، الفلفل، موجود في بعض الفاكهة الحامضية زي الجوافة والبرتقال.

بس هنا في نقطة لازم أنوه عليها: فيتامين سي سهل التكسير، بيتكسر بالحرارة وبالتالي لو جبت فلفل وقلنته وقلت هاكله علشان فيه فيتامين سي فأحب أقولك إنه معدش فيه ولا فيتامينياية واحدة توحد ربنا ده انت سويته على الجنبين، طب خد الكبيرة بقـيـانـه لما يـحـتـكـ مع مـعـدـن بـيـتـكـسرـ، اـهـ واللهـ!

الـليـ مشـ فـاهـمـ؛ أـقـصـدـ بالـاحـتـكـاكـ بالـمـعـدـنـ السـكـيـنـةـ، عـلـشـانـ كـدـهـ الدـكـاتـرـةـ يـقـولـكـ لوـ عـاـوزـ تـسـتـفـيدـ منـ الـخـضـارـ وـالـفـاكـهـةـ كـلـهـمـ منـ غـيـرـ ماـ

تقطعهم، طب خد بقى الأكير منهم كلهم، إنه بيتأكسد من الهوا، مش
قلت لك بيتكلك! يعني لو فرضًا قطعت جوافة كلها بسرعة لإن
اللي متكروش بالسكينة هايتاكسد بالهوا.

حنة فصحى بقى:

عليكم بالخضار والفاكهه من أجل سلامتكم.

الفيروسات الكبدية

HAV HBV HCV

فيروس ايه وبي وسي يعتبروا أكثر الأ نوع انتشار بين الفيروسات الكبدية الأخرى، طب هل خطورة كل نوع زيالتاني؟ وهل هم بيتنقلوا بنفس الطريقة؟ وإيه طرق الوقاية منهم؟

نبدأ بفيروس ايه HAV

أو ما يسمى بالالتهاب الكبدي الوبائي ايه:

تقريباً معظمنا اتصاب بفيروس ايهوجاله الصفرا وفضل ياكلأكل عيانين أسبوعين تقريباً لما قال يا بس، طب الفيروس ده بيتنقلإزاي؟ خلينا نتفق اللييقرفميكملىش، أدينيبيأكده قبل ما أكمل.

الفيروس ده بيتنقل عن طريق الأكل، يعني لو الأكل ملوث وجيت انت أكلت الأكل ده هايتنقل لك الفيروس، طب الأكل ملوث بإيه؟ لو الأكل ملوث بالبراز-شاييفين القرف، قلت لكم اللييقرفميكملىش -

هلاقي واحد بيقولي وإيه الليهايجب البراز في الأكل؟

هاقولهإنلاي غيط أراضي زراعية وشوف هل فيه حمام عمومي؟! أكيد لا! طب عمرك سألت نفسك الفلاحين لما بيحبو يدخلوا الحمام بيروحوا فين؟أيوه هم اتنينملهمشتالت؛ يا الترعة يا الأرض نفسها. المشكلة لما تيجي تكلمهم يقولك ده سماد طبيعي (والله ما بهزر) هم

عندhem حق بس فيه حاجة اسمها معالجة السماد الطبيعي قبل استخدامه، بس احنا أرقى من كده بكتير (بصوت نبيلة عبيد)

خلاص يبقى نقول للفلاحين ميعلموش في الأرض ويتوجهوا للترع (يا فرحة أمك بيك) ده على أساس إنهم بيرروا الأرض بمية معدنية صح! استكمالاً للقرف ممكن يكون أكلك نضيف وزى الفل بس سلمت على واحد إيدهمكنتش نضيفه (خلاص عرفنا يعنيايه مش نضيفة مش ناقصين قرف) وتحط إيدك فيايده وبعدها تمسك ساندوتش مثلاً وتأكله و ساعتها الفيروس يدخل معدتك.

طيب إيه الحل؟! الحل إنك تحاول قدر الإمكان تغسل الأكل بميه وخل لو أمكن وخصوصاً الخضار، ده باعتبار إن المية اللي في الحنفيات نضيفة، وحاول متاكلش بره لأنك لا ضامن الأكل ولا ضامن نضافة الليبيطخوا، وإغسلايديك قبل الأكل وبعده (قلينا على حرص ابتدائي كده)، طيب ده دور كفرد إيه دور الدولة؟ المفروض الدولة تعمل حملات توعية للفلاحين وتعريفهم بالمخاطر اللي يعيّر ضوانفسهم والناس ليها (لو تقدر توعي فلاح يبقى كتر خيرك)، كمان الدولة تعمل حملات تفتيش للمطاعم وتعمل فحوصات للطباخين والعاملين وتأكد إنهم مش حاملين لأي أمراض بتنقل عن طريق الأكل.

أخيراً بقِيَاه أعراض المرض ده؟ أعراضه شوية ترجع على ألم في البطن على صفرا jaundice وده أكتر شيء مميز ليه، وعلشان كده وإننا صغيرين يقولك فلان جاله الصفرا غالباً كان بيبقى قصدهم فيروس ايه.

الحمد لله فيروس ايه مش مصر أوى في معظم الناس والحمد لله بردہ إنه لما بيصيبك مرة بتاخذ مناعة فمعدش يجيلك تاني، وعلشان كده المرض ده نادر لاما بيحصل في الكبار الليعايشين في الدولة المتخلفة (زيينا ^_ ^) لكن ممكن يحصل لشخصاً أوروبي مثلاً جاي لك زيارة ونيساخذ التطعيم قبل ما يجي لأن دولته نصيفة وبالتالي ماتصبش بيه وهو صغير (علشان تعرفوا إن إحنا مناعتنا زي الفل وأحسن من أوروبا وأمريكا: D)

نيجيبقى على تانيوتالت فيروس مع بعض اللي هم:

HBV,HCV

للأسف الاتنين دول من أخطر الفيروسات الكبدية وللأسف منتشرين في العالم كله، يعني حاجة زي فيروس بي تقريباً فيه ٣٠٠ مليون إصابة في العالم بيه، أما فيروس سي في مصر مثلاً نسبة الإصابة بيه من ١٢ إلى ١٥% انت متخييل حجم الكارثة!

طب إيه هي طرق انتقالهم؟ وإيه هي مخاطرهم؟ فيروس بي وسيبى يتقلوا عن طريق الدم، واحد مثلاً اتنقل له دم ملوث، واحد تانيمثلاً إاتشك يابرة ملوثة وغالباً يكون طبيب (بدل العدوى ١٩ جنيه، اسم الله علينا) أو ممكن ينتقل عن طريق الجنس وخصوصاً فيروس بي، سينادر ما ينتقل عن طريق الجنس، وممكن ينتقل من الأم للجنين أثناء الولادة وبرده أكثر مع فيروس بي. طب هل قرص الناموس ينقله؟
الحمد لله لا.

طب بالنسبة للمخاطر؟ أولاً لازم نعرف إن الفيروسين مختلفين عن بعض في التركيب؛ فيروس بي حمضه النووي DNA، أما فيروس سي حمضه النووي RNA وبالتالي الأعراض اللي بيسببها مختلفة نسبياً.
فمثلاً (فيروس بي) بما إنه ديان إيه فسهل جداً إنه يدخل حمضه النووي جوه الحمض النووي بتاع خلايا الكبد ويسبب سرطان الكبد (عافانا الله وإياكم وشفى الله كل مريض) أما (فيروس سي بما إنه آر إن إيه) فصعب إنه يعمل ده بسرعة ولكن الأول بيعمل تليف للكبد وبعدها يعمل كأنسر.

الاتنين بيعملوا صفراء والاتنين بيعملوا ضغط الدم في الدورة الكبدية البابية والاتنين بيعملوا دوالي مريء، لكن أكثر مع فيروس سي.

العلاج إلى حد ما فعال تقريراً في مصر بنقدن تعالج ٦٠% من الحالات، مرض فيروس سي يخفوا تماماً لكن مرض فيروس بي كل الليينقدر نعمله إننا نعمل تشبيط للفيروس ويكمel المريض حياته بطبيعة إلى حد كبير ولكن لازم يتبع باستمرار علشان لو حصل لا قدر الله وزاد الفيروس في الدم نلحقه بدرى.

يتبع إزاي؟ إنه يعمل PCR كل ست شهور أو كل سنة ويحلل إنزيمات الكبد ويعمل أشعة سونار على الكبد.

طيب بمبدأ الوقاية خير من العلاج (الكلام اللي كنا بنحفظه في ابتدائي مفيد بس لو نطبقه)

بص يا سيدى غالباً اللي بيقرأ دلوقتي طالب غالباً عندك تأمين صحي فياريtت ياريت تروح تطعم ضد فيروس بي وتأخذ التلت جرعات في مواعيدها، ولما تخلص التلت جرعات بشهر لشهرين تروح تعمل تحليل وتشوف الأجسام المضادة اتكومنت بشكل كويis ولا لا، ولو اتكومنت كويis يبقى تمام، طب لو ما اتكومنتsh؟ هتاخد التطعيم تاني وبإذن الله ساعتها يجيء مفعول. إفرض اطعمت تاني يوم جبس مفعول؟ روح ساعتها حل وشوف هل انت مصاب بالفيروس ولا لا، لأن ممكن لا قدر الله تكون مصاب بيها ومش عارف فتلحقه بدرىأحسن كتير من إنك تكتشفه متأخر.

طيب هل فيه تطعيم ضد فيروس سي؟! للأسف لا بس فيه علماء شغالين عليه وهو وتطعيم الإيدز ويأرب ينحووا في تصنيعه ويخلصونا من الكابوس ده. طيب نعمل إيه علشان فيروس سي؟ بده لو انت طالب وخصوصاً لو في الجامعة تقدر تعمل تحليل ضد فيروس سي كل سنة مثلاً بخمسة جنيه بي مستشفى الطلبة مش هايكلفكوهافيديك جداً جداً.

طب فيه حاجة تانية نعملها؟ اه طبعاً حاول قدر الإمكان تبعد عن الحقن ولو إديت حقنة إوعي تتشنك بيهها والمفروض المفروض إنك متغطيش السرنجة والمفروض تحطها في حاجه اسمها sharp بيفرم السرنجة (ده المفروض بقى، مش عندنا يعني) box

الولاد والبنات اللي بيتعابوا ويهرروا ويشكشووا بعض بالدبابيس (انت عييط :P) اه وجواز الدم بعيداً عن الحرمانية والهطل اللي في الموضوع بلاش علشان إحنا دمنا ملوث أصلًا وبالتاليها يعني جواز قدر D:

والأم لو عندها فيروس بي الأفضل تولد قصري والطفل أول ما ينزل ياخد التطعيم ويتحللها علشان نعرف عنده الفيروس ولا لا، اه وبلاش ترضع طبيعي كمان، ويأربت تتعالج قبل الحمل.

فاكرین قرار استخدام السرنجة أكثر من مرة؟ الحمد لله طلع إشاعة، أظن متخيلين دلوقتي حجم الكارثة كانها تقبيل زي.

طب حته تاريخيه كده عارفين سبب انتشار فيروس سي أوي كده في مصر؟ كان فيه حقنقعلشان البليهارسيا كانوا بيذوها بحقنة حديد وكل خمسين طالب يغلوها مرة، يعني لو طالب واحد مصاب بفيروس سي فيه احتمالية إنه ينقل العدوى لخمسين شخص تاني فما بالك لو اتنين أو ثلاثة! علشان كده هتلاقيفيروس سي منتشر أوي في الجيل اللي عمره ستين سبعين سنة.

عافانا الله وإياكم.

Iron toxicity

تسمم الحديد

فاكرين الأم اللي كانت ماشية بمبدأ "عبي له وإدي له" مع ابنها الصغير في فيتامين د؟ هيهي نفس الأم ماشية بنفس المبدأ مع ابنها فياعطاءه للحديد سواء كان كابسولاً أو حقن.

تخيلوا معايا السيناريو ٥:

أم شُكّت إن ابنها عنده أنيميَا فراحت عملت له تحليل وطلع فعلاً
عنه أنيميَا، وفرضًا إن الأنميَا بسبب نقص الحديد (فيه اعتقاد شائع
إن الأنميَا سببها نقص الحديد وبس لكن في الحقيقة الأنميَا أنواع
كثير)

المهم الأم بدون استشارة الدكتور جابت أقراص حديد أو حقن حديد في الغالب هاتدي له أقراص _ وبدأت تدي ابنها حديد لسنين قدام علشان تحميءه من الأنيميا طول عمره فتعبيه حديد لغاية لما الطفل يصدى !

كلمة يصدى اللي فوق دي هزار بس عاوزة أقول بيها إن الطفل بقى معبي حديد.

طب براحة كده علشان نعرف إيه اللي بيحصل للطفل ده أو لأي شخص عموماً حتى لو كبير.

ربنا حمانا من الحديد لأن زيادةه في الجسم عن معدل ما فيه خطورة كبيرة علينا فخلی فيه system مخصوص علشان يمتص الحديد مكون من عدة بروتينات بتشيل الحديد من المعدة توديه الدم والكبد (ferritin, transferrin)

البروتينات دي لما بيحصل لها تشعع تام مبتبقاش قادرة على استقبال المزيد من الحديد، بشرط إن الامتصاص يكون عن طريق المعدة ويكون جدار المعدة سليم، طب لما الأم تدي الطفل كمية كبيرة من الحديد أقراص أو انت حتى تاخده؟ معروف إن الحديد مادة irritant وبالتالي بيتبوظ السيج الطلائي للمعدة، علشان كده من الآثار الجانبية بتاعتھا بيعمل إمساك وعند بعض الناس إسهال وممكن يعمل قرحة مع طول الاستخدام، فلما تتناول الحديد لمدة أكثر من سنه المعدة والأمعاء بيدأوا يتعبوا فيفوتوا حديد للدم خارج المخصص لامتصاص الحديد فيعلى الحديد في الدم ده saturation to transferrin . بعد ما يكون عمل

وبيكون في الوقت ده المخازن بتاعة الحديد اتملت فيبدأ يترسب حديد فياماكن تانية غير مخازن الـ **bone marrow** (نخاع العظم)، فيحط الحديد في الكبد، فيالبنكرياس، في القلب، في المفاصل وفي الأعصاب وفي الجلد، فتقل وظيفة كل الأعضاء دي.

لتوضيح أكثر: الكبد بيحصل فيه تليف، البنكرياس مبيقدرش يطلع انسولين، القلب بيموت أجزاء منه، المفاصل تلتهب، الجلد يتلون برونزي (علشان كده قلت الشخص بيصدي) وبالتالي المرض اسمه **bronzed diabetes** العلمي.

أما لو إتاخد حقن فهو بيروح على طول للدم يتشار على البروتينات اللي في الدم ولما يحصل تشبع يبدأ يتربس في الأعضاء وبالتالي يظهر آثاره أسرع وأقوى لأنهم بيعرضش لعملية الامتصاص اللي فيها جزء من الحديد لا يمتص لكن هنا كل الجرعة بتدخل الدم.

بشاره حلوة للبنات الموضوع ده أكثر فيالرجاله : p

فيه أسباب تانية بتعمل المرض ده ولكن ملناش دخل فيها وصعب الوقاية منها، مثلاً بسبب خللجيني على الكروموسوم رقم 6، أو مثلاً لأن شخص بينقل دم كتير أو جسمه غير قادر على استخدام الحديد.

الغرض من الكلام الفيتامينات وال الحديد مش لعبة، وال الحديد الأقراص
بيستخدم غالباً لمدة ست شهور، تلت شهور بعالج الأنميما وتلت
شهور بملئ المخازن.

عاوز تقى نفسك من الأنميما كُل حاجات فيها حديد، زي اللحوم
الحمراء زي الكبدة زي الكلية، بعض الخضروات زي الفاصوليا
الحمرا، القرنيط، الباذنجان (وفي قول آخر البيتشنجان:D)
والمفاجأة السبانخ مفيهاش حديد بالصورة الليأهلا متخيلينها بل
بالعكس فيها أوكسالات بتقلل امتصاص الحديد لأنها بتتعدد مع الحديد
وتكون ملح غير قابل للامتصاص وعلشان يبقى فيه استفادة نسبية لازم
تاكلها خضرا يعني لو اتطبخت الحديد اللي فيها بخ مبقاش موجود
تقريباً (هيصوا، أقيموا الأفراح والليالي الملاح يا الليتكرهوا السبانخ
D: لو بتكره السبانخ وبتاكلها غصب علشان مليانه حديد إبحث عن
الكلام ده وعلى ضمانتي و ساعتها تقدر تقول للسبانخ لا وبكل قوتك
في وش أي حد أي حد أي مهم ما كان)

RH -VE MOTHERS

مبدياً قبل ما ندخل في تفاصيل لو فيه واحد هنا ناوي يحب ويتجوز يروح الأول يحلل اللي هايترتبط بيها ويشوف هل هيـار إتش سالب ولا موجب، صدقوني دي حقنة الأجسام المضادة بقت بـ ١٤٠٠ جنيه في السوق السودة.

سامعة حد بيقولي يعني إيه الكلام اللي بقوله؟ يعنيـيه آر إتش ويعنيـيه حقنة أجسام مضادة؟

طب واحدة ونبدأ من الأول خالص، كلنا أظن عارفين إن الدم بتاعنا فصيلته قد تكون **A OR B OR O OR AB**

الحروف ديبترمز لبروتينات معينة على سطح كريات الدم الحمراء بخلاف الـ **O** معناهـان مفيش أي بروتين عليه، أقصد بالبروتين هنا **.antigen**

بس قليل مننا يعرف إن على سطح كريات الدم فيه بروتين رابع يا يبقى موجود يا لا، لو موجودـاهـايـقـى اسمـهـ موجـبـ لو مش موجودـ فيـ الدـمـ هـايـقـى سـالـبـ، اـسـمـ البرـوـتـيـنـ دـهـ **RH**

أظن الأمور بقت أبسط دلوقتي، طب إيه لازمة الموضوع ده؟

أولاً ده مهم جداً في نقل الدم بالضبط زي الفصايل، ثانياً مهم في حالات الولادة، طب إزاي؟!

لو نفرض إن فيه واحدة أول مرة تحمل وهي آثار إتش سالب وجوزها أر إتش موجب وابنها اللي في بطنهما آر إتش موجب، إيه اللي هايحصل؟

ساعة الولادة طبعاً الطفل متوصل بالألم عن طريق الحبل السري وفيه شريان يخرج من المشيمة بيتوصل بشريان خارج من سرة الطفل، ساعة الولادة مع انقباض الرحم العنيف فيه شوية دم لا بأس بها بتخرج من جسم الطفل إلى جسم الأم، طب وبعدين؟

دم الطفل عليه بروتين بالنسبة للألم جديد فبتعتبره المناعة إنه شيء غريب لازم يتدمّر، حتى الآن الأمور تمام والدنيا زي الفل والألم فرحانه بابنها وعمالة تهشتكم فيه، بعد ما يكبر ويبقى طفل رحم وبحدود عنده بتابع تلت سنين تقرر تحمل تاني وبالفعل تحمل، وساعة الولادة الدكتور يبص ع الأبن يلاقي عنده صفراء شديدة جداً **jandice** (erythroplastosisfetalis)

وبعد كام يوم ده لو إتولد عايش أصلًا الطفل غالباً بيموت، طب إيه اللي حصل؟

في المرة الأولى لما مناعة الألم كانت أجسام مضادة ضد الآثار إتش اتكلّون نوع من الأجسام المضادة اسمها **memory cell**، من

اسمها باین عليها إنها حاجة متخزنة في الذاكرة، بتبقى متعروفة على الآرإتش في ذاكرتها فأول ما تشووفه تاني تقوم تهاجمه بسرعة وبضراوة.

طب إزايتها جم دم الطفل وهي موجودة في دم الأم؟

المشيمة في جسم الأم بتعدي بعض الأجسام المضادة للطفل علشان لما يتولد يبقى عنده مناعة تحميه لأن جهازه المناعي أول أيامه في الحياة بيبقى غير ناضج بعد.

إيه المشكلة يعني لما الأجسام المضادة دي تهاجم دم الطفل؟ انت متخييل إن دم الطفل بيتكسر! يعني مفيش أكسجين بيوصل للخلايا بالإضافة إن كمية الدم اللي بتكسر بتخرج عوادم بتكون ضارة للجسم علشان كده الطفل ده غالباً بيموت.

طب إيه الحل؟

الحل إناؤل ما الأم تولد وناخد عينة من دم الطفل ونعرف إنه آر إتش موجب زي أبوه، أبوه ميفرحس بيه أوي ويقول جدع ياض راجل ابن راجل وطالع لي، لا حضرتكها تدفع ١٤٠٠ جنيه فياريته كان زيame كان أوفر لك.

طب الحقنة دي؟ الحقيقة دي أجسام مضادة زي اللي الجسم بيكونها تروح تهاجم دم الطفل بردء زي الأجسام المضادة الطبيعية.

على فكرة الليبيشتمني في سره سامعاه!

هاوضح لكم كل حاجة، أنا بدأ أجسام مضادة تروح تهاجم دم الطفل في جسم الأم علشان الجسم ميشوفهاش، لأن الجسم فيأول مرة بيتعرف على الآرإتش بيأخذ فترة عقباً ما يطلع أجسام مضادة، وبالتالي لو أنا إديتها الحقنة بدرىي الجسم مش هايعرف إنها موجودة أصلًا.

الليبيقول طب ما هيي جبت إيه جديد على الأقل صنع ربنا أفضله؟ هاقوله ونعم بالله بس يا سيدى ربنا علشان يحمينا من الميكروبات خلى فيه **memory cell** وأنا الخلايا دي هي الليبتعمل لي مشكلة فأنا مش عاوزها تتكون، لكن الحقنة اللي باديها مفيهاش **memory cell**.

أعتقد وصلت!!

طب فرضًا الأم مكتتش عارفة وحملت تانياً إيه الحل؟ أولاً بنلجأ لعدة حاجات منها إن الأم تولد قيصري علشان نقلل كمية الأجسام المضادة الليها تدخل للطفل أثناء الولادة، لا القيصري مفيهوش انقباض في الرحم. طب وإيه تاني؟ ببدأ أغير دم الطفل، وأنا صغيرة كنت متوقعة إننا بنجيب الطفل نصفيه من ناحية وندخل الدم من ناحية تانية (ذكية من يومي)

لا الموضوع مش كده أنا باسحب حوالي ٢٠٠ مل على ما أذكر من دم الطفل وأديله ٢٠٠ مل تانيين وهكذا، لغاية لما أغير دمه في خلال كام يوم، وطبعاً للأسف بيبقى فيه آثار كبيرة على الطفل حتى بعد ما بنعمل كده لأن المشكلة موجودة من وهو في الرحم.

